

Enformaziuns y Comunicaziuns

Jênn: Ai 2, 3 y 4 de jügn 2022 sarál la bela prozesciun de Jênn. **Tló Al Plan pëiun ia la jöbia ales 7:30 da dlíja demez y la prozesciun róa zoruch la sabeda encër les 17:30.** Le Massá de Jênn Lois Taibon á mené fora cōsta comunicaziun: „Deache al n' é chisc dis nia scora, é ince i mituns enviês da jí en Jênn, sambën tan ennant che ara vá. Düc é dër bel racomanês da perie y cianté con devoziun y fedel! I tignun sö en bun comportamont y se iestiun da pelegriuns (nia braies cōrtes). No stede a ciacolé tla prozesciun o disturbé a val' manîra. Orun ince desmostré cherianza tles ostaries, botêghes y tles ciases co se dá alberch. Romagnun tal medemo post tla prozesciun y pal medemo compagn. An se fej plü saorí da se mëter sö canche an pëia endô ia. Chi co dij dant stá amez la prozesciun. Tolesse la spaternōra! Al gnará endô partí fora en picio liber con ciaces y oraziuns.“

Mëssa prefestiva: En sabeda ai 4 de jügn gnará zoruch la prozesciun de Jênn. Deache nosc ploan acompagnëia zoruch i pelegriuns d'La Pli, vál debojügn da sposté la mëssa prefestiva dla sabeda, co sará **en chël dé ales 19:00.**

Ores d'adoraziun: Por ci co reverda les Ores d'adoraziun por la festa de Pasca de Má, sarál eniann sides en Pasca de Má co en Lönesc de Pasca de Má, **ōna na ora d'adoraziun por dōt le pâisc, dales 9:00 ales 10:00.** Lapró vëgnel lascé alessëi che **le Lönesc de Pasca de Má ne sarál eniann degüna gran mëssa.**

Comunicaziuns sōn la proscima plata: Chi co á comunicaziuns da mëter sōn la proscima plata de Ploania, é periês da les mené adalersch **anter le dëdōlōnesc ai 31 de má da misdé.** Por rajuns de vacanza vën la plata slüta jō denant.

Unité Pastoral: Ch'él pa co dëida pla preparaziun ai Sacramonc? Vigne sorvisc é prezios, al costa dediziun y tomp, mo al porta ligrëza y benedisciun. Por le sorvisc de preparaziun ai Sacramonc (Bato, Prōma Comegnun, Crejima) él la Unité Pastoral Val Badia co organisëia **da d'altonn na formaziun sceria.** Por infos y iscriziuns pōn cherdé sö **Annamaria Fiung al 347 5277810** cina ala fin de jügn. I s'aspetun.

KVV Senioreclub: Deache ara n' é nia garatada cōst'edema con la jita dal Senioreclub, é i seniorens enviês en dedemesaledema ai 1. de jügn. An pëia ia ales 9:17 con le Mareo Bus dan le Cone, por jí a Falzes. Enló jarán cina Irenberg. Al é saorí da jí.

Conzert: La Scora de Musiga tin le conzert de conlujiun en **lönesc ai 30 de má,** tló Al Plan. Ales 17:00 él conzert te dlíja, ales 18:00 vá ennant sōn paiun. Düc é enviês.

Apoteca: Al vën lascé alessëi che l'apoteca d'Al Plan sará **slüta dai 2 ai 12 de jügn.**

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: **ploaniaalplan@gmail.com**
Download plata: **www.unitepastoral.org**



Plata dla Ploania Al Plan de Mareo San Vigile

Ploan: **Signor Klaus Sottsas**
E-Mail: **ksottsas@rolmail.net**

Calogna Al Plan: **0474 501006**
Radio de Ploania: **93,00 MHz**

UNITÉ PASTORALA



VAL BADIA

www.unitepastoral.org

Ann C

**29.05.2022 - Festa dl'Ascensiu dal Signur
Palsacrusc**

nr. 27

Gejú vá sö dal Pere!

Dal Vagnele dô San Jan 24, 46-53

Te chël tomp ⁴⁶ti á Gejú dit a sù discepui: Ensciö stál tla Scritōra: Le Messia sofrará y resoriará dai morc le terzo dé, ⁴⁷y te so ennom ti encündarán a düc i popui, metenn man te Ierusalem, che ai dess dé ota, por che sù picês vëgni pordenês. ⁴⁸De cōsc sëise os mi testimoni. ⁴⁹Y iu ves orciará jō sōn os la scincunda che mio Pere ves á empormotü. Romagnede tla ciüté, cina ch'i ne gnëis nia emplis con la forza dal alt. ⁵⁰Spo i ál condüt fora dlungia Betania. Danló ál alzé söes mans y i á benedí. ⁵¹Y dertan ch'al i benedia, i ál lascé y é gnü alzé sö cuntra cí.



Parora dal Signur. Lalt a te, Gejú Crist!

I meditun le Vagnele



- La misciun de Gejú sōn cōsta tera vá a piz. Al vá sö a cí, por se recordé che da danló él gnü desco Fi de Dio, y che enló gna-runse tuc sö, tla ciasa dal Pere.
- Al mët man l'epoca dla Dlíja: i discepui é cherdês da encündé le Signur danter la jont, con so ejompl, con so lalt y con söa ligrëza. (*W. Cazzaniga, Parola Amica*)

I periun ensciö



Signur, te t'an vas da nosta tera, mo nia da nüsc cōrs. Te t'an vas deperpo che te benedësces la tera co t'á ospité y che tö as salvé. Te vas sö a cí, por s'arjigné en post a vignōna y vignōnn de nos. Te n'es nia plü atló, mo te te lasces aldí; nostes mans ne sciafia nia plü da t'aziché, mo t'es real y presënt te nosta vita. Nos viun tla speranza da podëi t'encunté endô, t'odëi da müs a müs. Dëidesse endertant da te chirí y vire dô to ejompl sōn cōsta tera.

Ai pelegriuns de Jênn

A düc i omi y jogun co tol pert al pelegriunaje ti aodunse che ara büti, bona orenté tla tesimonianza dla fede y i periun che ai se toli empara te söa oraziun dōta la Comunité, cis les porsones co patësc y á crusc da porté. Che ai pōi roé zoruch sagns entun, emplis de ligrëza y renforzês tal raport con Chël Bel Dio por la vita da vigne dé.

Edema liturgica dai 29.05. ai 05.06.2022

DOM 29.	GRAN FESTA DL'ASCENSIUN DAL SIGNUR – PALSACRUSC De mondial dai mesi de comunicaziun soziai Paolo VI.
08:30	s.m. a La Pli
9:30	corona
10:00	gran mēssa por dōta la comunité <i>oferta por la ploania</i> LAD +nta Monica Peslalz - +nc' Jule Ellecosta y Heinrich Castlunger vīs + +nc' dla familia de Carlo y Wally Frontull por familia Lore y Robert Kehrler, Longega
Lön 30. N.B.:	<i>beat Otto Neururer, Ferdinand</i> degüna s.m.
Ded 31. 19:30	<i>Petra, Petronila, Metilde, Aldo</i> corona
Dem 01.	<i>Iustin, Sciomun</i> Vijita personala te dlijia y cortina
Jöb 02. 7:30	<i>Marcellinus y Petrus, Eugen I., Stefan, Armin - de d'oraziun do vocaziun</i> Al peia ia la prozesciun de Jenn Vijita personala te dlijia y cortina
Ven 03. N.B.:	<i>pröm vëndres - Karl Lwanga y compagns, Oliva</i> degüna s.m.
15:00	corona
Sab 04. N.B.:18:30 N.B.:19:00	<i>Clothilde, Crista, Quirin, Werner</i> Corona por +nta Angela Erlacher Kaneider DEU s.m. prefestia 3. Requiem por +nta Angela Erlacher Kaneider dal ann por +nt Carlo Erlacher dal ann por +nt Giorgio Borroni dal ann por +nt Celeste Della Gaspera vīs y +nc' dla familia Federa
DOM 05.	GRAN FESTA DE PASCA DE MA <i>Bonifaz, Igor, Ferdinand</i>
08:30	s.m. a La Pli
9.00 -10:00	les ores por dōta la comunité
10:00	gran mēssa por dōta la comunité <i>oferta por la ploania</i> LAD dal ann por +nta Maria Clara +nt Paul Pitscheider - +nta Maria Buratti - +nc' Lois y Pepi Castlunger +nta Ida Pitscheider Mutschlechner vīs y +nc' dla famiglia Migliorati

Palsacrusc

La festa dl'Ascensiun dal Signur nes recorda che Gejú é jü demez da sü discepu, al Ci.

Olá désson pa spo chirí Gejú?

Le Ressorí ne tralascia con sōa ascensiun al Ci nia sciomplamenter la tera, Ël romagn presēt atló. Ma te n'atra maniera trasformada. Sü testimoni vëgn menés fora por döt le monn a encündé le Vagnele dal règn de Dio co á da gní. Tres ëi y con ëi romagn le Ressorí presēt - cina ala fin dai tomps. Sce i orun encunté le Signur, spo ma, sce i Le chirium atló te cōsc monn. Gejú, le Viont, vir tal monn dai vis; Ël é enló, olache les porsones realisëia sōa vita deboriada te diversces formes y manires.

Olache so Vagnele vëgn encündé, olache la jont tign le Past adöm, se recorda Sōa mort y ressureziun: enló é le Ressorí presēt.

La festa dl'Ascensiun de Crist nes ensëgna: al é le destanziamont de Gejú da cōsc monn, mo pordërt festejunse le contrar: che Gejú, le Ressorí, romagn sön cōsta tera. Che Ël ti scinca ales porsones de düc i tomps sōa presënza fedela. Y che düc pó Le encunté - desco i apostui enlaota. (Fabian Brand)

I periu:

Dio onipotënt y etern, tö ás afidé a nos, che i viun ciamó sōla tera, i misters divins. Porta nüsc ponsiers al Ci olache Gejú é con te desco prōma porsona, Ël co vir y regnëia por dōta l'eternité. Amen.

dal Salm 46

Le Signur s'alza alalt! Le Ci se ralegrëia, dōta la tera i fej festa. Aleluia.

Os popui düc, batéde les mans, fajede festa con gran ligrëza, deache gran y potënt é le Signur, en re de dōta la tera.

Le Signur s'alza alalt! Le Ci se ralegrëia, dōta la tera i fej festa. Aleluia.

Le Signur vá al Ci con festa y al sonn de trombëtes. Sonede a nosc Dio, sonede! Sonede al re, sonede!



*Habt Himmel im Herzen,
bittet der Himmlische; und
allezeit die Herrlichkeit der
Liebe in euren Händen.*

Sorvisc dai Ministronc

Lönesc 30/05 (18:00h), Vëndres 03/06 (07:30): David y Romina Palfrader;

Sabeda 04/06 (18:00h): Marco Alberti, Maja Complojer, Amelie y Valentina Erlacher, Pire Maneschg, Elias y Silvia Obojes, Andy, Mattia y Jonas Ploner;

Domëgna 05/06 (10:00h): Lisa Alberti, Niki Fappani, Chantal, Felix, Lena y Melanie Feichter, Michael Leimegger, Barbara y Sophie Rungger Kuprian, Alicia Angelica Weiss, Damian y Matthias Winkler

N.B.: Düc i ministronc é entres begnodüs da gní a sorví, ince sce ai n'é nia scric sò!



La comunité ti fej les mius aodanzes ai nüc
Michael Mōlgg y Anna Näckler
Che la benedisciun de Dio i acompagnëii
sön so tru de vita deboriada.